

Headline
Date
MediaTitle
Section
Journalist
Frequency
Circ / Read

Perkongsian bijak UPNM
13 Jan 2011
Harian Metro
Setempat
Zatul Iffah Zolkipli
Daily
324,097 / 1,981,000

Language
Page No
Article Size
Color
ADValue
PRValue

Malay
31
249 cm²
Full Color
7,160
21,480



KERJASAMA
...Allatif (dua dari kiri) bersama Abd Aziz (kiri), Zuraidah dan Mohd Yusuf berbual selepas menandatangani MoU.

Perkongsian bijak UPNM

MoU dengan 3 agensi tingkat kemampuan graduan

>>Oleh **Zatul Iffah Zolkipli**
zatuliffah@hmetro.com.my

KUALA LUMPUR: Graduan Universiti Pertahanan Nasional Malaysia (UPNM) berpeluang meningkatkan keupayaan dan kemampuan mereka bukan hanya daripada segi teori tetapi juga praktikal dengan adanya perkongsian bijak UPNM bersama tiga agensi menerusi perjanjian persefahaman (MoU) ditandatangani di sini, semalam.

Naib Canselor UPNM, Lef-tenan Jeneral Datuk Allatif Mohd Noor berkata, perkongsian itu dilihat tepat pada masanya sebagai satu

langkah ke arah merealisasikan visi UPNM menjadi universiti pertahanan perdana bertaraf dunia untuk pendidikan, latihan dan penciptaan ilmu.

Menurutnya, perkongsian itu memfokuskan pembangunan industri pertahanan negara demi memastikan graduan universiti berkenaan mampu bersaing apabila berada di alam pekerjaan sekali gus melahirkan pakar dalam industri pertahanan melalui kerjasama dengan agensi berkaitan seperti bidang komunikasi dan teknologi maklumat serta simulator pengendalian kapal.

"Di samping MoU yang memfokuskan kepada penyelidikan dan pembangunan bagi memantapkan industri pertahanan negara, saya berharap pelajar diberi peluang

ditempatkan di industri mengikut bidang masing-masing supaya mereka dapat menimba ilmu agar tidak melangkah ke alam pekerjaan dengan hanya bergantung kepada teori semata-mata," katanya selepas Majlis Menandatangani MoU antara UPNM dengan Mimos Berhad, Secure Technology Sdn Bhd (STI) dan Skyview Communication and Technologies Sdn Bhd di UPNM, semalam.

Majlis menandatangani MoU itu disempurnakan Allatif yang mewakili UPNM dengan Mimos diwakili Ketua Pegawai Operasinya, Abd Aziz Abdul Kadir, STI diwakili Pengarah Urusannya, Mohd Yusuf Jacob Carlos dan Skyview Communication and Technologies pula diwakili Pengarah Urusannya, Zuraidah Abdul Latif.